



Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 131. Comitia Francofordiensia.

[urn:nbn:de:hbz:466:1-66281](https://nbn-resolving.de/urn:nbn:de:hbz:466:1-66281)

densis ditio suis exuebatur privilegiis, do- Sæcul. XV.
nec ea restituere, Joanni Bavarо bene vi- A.C. 1409.
sum fuisset. Expeditione confecta Be-
nedicti Papæ Nuntius, nec non intrusi
Episcopi officiales a populo diris execra-
tionibus appetiti tandem omnes in Mo-
sam demersi perierunt. Tam infelicem
sortiebatur exitum Leodiensium schisma,
abominabilis foetus magni illius schismati-
cis, quo universa Ecclesia in partes scin-
debat, & ad cujus extinctionem Ger-
mania impensis sua studia conferebat.

§. CXXXI.

Comitia Francofordiensia.

Germani funesto Leodiensium fato tan-
topere commoti sunt, ut sine omni
ulteriore mora pro abolendo Ecclesiæ
schismate omnes vires suas intendere de-
cernerent. Jam Mense Decembri Anno
millesimo quadringentesimo octavo Gre-
gorius in Germaniam miserat Legatum,
Antonium de Corario Nepotem suum, ut
Rupertum Romanorum Regem induce-
ret, ne suos ad Concilium Pisanum able- *Niem. de*
garet. Econtra Cardinales Pisani congre- *schism. l. 3.*
gati nomine suo Landulphum Maramau- *c. 38. & 39.*
rum Cardinalem Barensem ad Germanos
decernunt, qui ad initium Januarii anno
millesimo quadringentesimo nono Fran-
cofor-

Sæcul. XV. cofordiam delatus comitiis in hac urbe
A.C. 1409. celebratis interfuit. Erat hic Conventus
 ob ingentem hominum frequentiam op-
 pido solemnis. Aderant præter ipsum
 Rupertum, ejusque Senatum Henricus
 Brunsuicensis Dux, Hermanus Hassiæ
 Landgravius, Fridericus Marchio Mis-
 niensis, atque alias quidam Fridericus
 Burggravius Norimbergensis, Moguntinus
 & Coloniensis Archiepiscopi, complures
 Episcopi, Abbates, Comites, aliique no-
 biliſſimi Viri; unacum Franciæ, Angliæ,
 Poloniæ, Bohemiæ, aliorumque Regno-
 rum Oratoribus. Horum Comitiorum
 scopus erat, ut matura deliberatione per-
 penderetur, utrum Pisano Concilio inhæ-
 rendum effet, necne.

§. CXXXII.

*Gregorii ad Comitia Nuncius, & Pi-
 sanorum Cardinalium Orator.*

Raynald. ad **C**ardinalis Barenſis Patrum Pisanorum
an. 1408. n. 6. Orator in tota Germania summis ho-
& an. 1409. noribus exceptus fuit; Ast non eadem ex-
n. 11. pertus est benevolentiae signa Antonius
 Cardinalis Camerarius, & Gregorii Lega-
 tus, ejusdemque Nepos, primum sexto
 post inchoata comitia die adveniens. Pu-
 blica enim omnium vox erat, eum non
 ob aliam causam, quam ut lites excitaret,
 accel-